

天津府志卷之三十一

列女志

南皮縣

宋

王氏 南皮人賈玳妻黃中母也太宗聞其賢召見命坐獎之曰教子如是真孟母矣作詩賜之及黃中改知澶州陛辭上謂侍臣曰朕嘗念黃中母有賢德每與之語甚明敏後黃中卒葬畢母入謝土賜白金三百兩且謂之曰勿以諸孫為念朕當不忘也

宋史賈黃中傳

天津府志

卷之三十一 列女 南皮縣

一

明

李資女 許聘巨惠時正德六年為流賊所逼不從罵不絕口遇害甚慘年甫十九時有郝氏女壘城村人遇害與李同

河間府志

周氏 黃塗妻年二十一夫亡子良相生一週家貧紡績侍舅姑以孝聞教子有成壽八十三
南皮縣志
馬氏 生員劉瀾妻氏年二十二夫亡子棟相業儒孫翰光宦光力學勉行皆氏之教也享年九十餘

河間府志

按畿輔通志闕作蘭

高氏 吳茂才妻年十七夫亡哀毀不食舅姑欲奪其志氏謾應曰如命請得絮酒炙鷄致辭於亡者舅曰貧無以脩請楮錢辦香日亦無以脩婦恐疑而阻之遂往墓側哭盡哀墓前有樹僅拱把脫足纏就樹縊死跪而向墓面色如生事聞旌表

以下
畿輔
志通

鄭氏 劉竒妻夫亡守節家貧紡績自給子文義未週歲氏撫之成立其後文義繼妻楊氏適半載而文義亡楊氏矢志同姑守節撫前妻子廢成立稱一門雙節云

天津府志

卷之三十二

列女
南皮縣

二

劉氏 湯楷妻年二十一夫亡無子女哀號不食姑苦勸始進匕箸有議婚者即剪髮自誓守節四十餘年巡方使疏聞詔旌其門

以下南
皮縣志

萬氏 劉鎮妻幼年守節遵舅氏遺命讓已產於弟侍庶姑情禮兼盡教子嚴而有體年八十餘歲卒

王氏 張文秀妻夫亡氏未二旬守二子家貧常不舉火舅姑繼沒無以為葬鬻一子以襄事苦節五十餘年

趙氏 劉呈芳妻年二十二夫亡無子女家貧日不再食夫弟欲嫁之勵亦自刎乃止紡績以奉舅姑

夜雨廬壞立水中達旦不借棲鄰宇清操二十餘年卒

穆氏 白德崇妻崇禎甲申為亂兵所逼不從投井

死 河間府志

黃氏 崔文俊妻年十六夫亡生子僅週歲守節二十餘年崇禎甲申城破賊逼不從遇害同時劉名

卿妻馬氏崔岳妻黃氏俱被執不屈死 象輔通志

國朝

穆氏 湯橋妻年二旬守節事姑艱苦倍嘗姑歿哭

之喪明教子成立順治十八年 旌表 南皮縣志

天津府志

卷之三十二 列女南皮縣

三

章氏 張敬修妻年二十八夫亡守節至七十歲卒

康熙五十三年 旌表 以下畿輔通志

張氏 趙鏊妻夫亡年十九家貧紡績養姑撫遺腹

子成立守節歷七十年雍正四年 旌表

周氏 張作肅妻夫亡守節三十六年教子成立雍正五年

旌表

殷氏 張濟妻夫亡兩世孀姑奉養不怠撫育二子

俱克成立守節四十餘年雍正五年 旌表

湯氏 吳枝芳妻年二十二夫亡撫三子俱遊庠食

廩御家嚴肅守節三十三年雍正十年 旌表

吳氏 王欽周妻年二十八夫亡事姑竭盡孝養課子嘉言口授經書領鄉薦長子先亡遺孫瑤甫二歲撫之成立入泮守節至六十八歲雍正十年

旌表

劉氏 白作睿妻年二十六夫亡家貧勤績紡以奉孀姑篝燈課子夜分不輟子登丙午鄉試親戚慶會從不一至苦節四十七年卒年七十二雍正十

二年 旌表

按作睿父名養淳早死妻傅氏苦志守節撫作睿成立未幾作睿又亡姑婦相依闔邑稱雙節云作睿畿輔通志作作肅誤

天津府志

卷之三十二

列女南皮縣

四

侯氏 張丕昌妻二十七而寡無子事姑條極孝養姑性嚴氏奉之逾謹姑疾卧床經年未嘗晷刻暫離夜則目不交睫姑為感泣闔邑欽其節孝乾隆

二年

旌表

以下公舉事實冊

張氏 湯棐妻十四歸湯二十四夫亡苦節四十年乾隆二年 旌表

劉氏 趙恭妻孝事翁姑年二十四夫亡子瑞尙幼

勵志守節壽八十二歲卒

南皮縣志

葉氏 咎光美妻夫亡家貧子幼父母勸之改適堅

志不從以苦節卒

畿輔通志

湯氏 穆茂春繼妻年十四於歸未半載夫選授縣

令因前妻子女留湯在家課諸子蜚聲藝苑夫歸

卧病兩載湯藥無懈迨夫亡四子俱死窮苦無依

守節五十餘年有司旌曰瑤池冰雪南皮縣志

黃氏 劉中葉妻夫亡無子女孝姑終身畿輔通志

劉氏 張美蘊妾夫病侍湯藥焚香告天願以身代

夫歿子女俱非已出苦節終身南皮縣志

霍氏 貢生張天祥妻夫亡氏年二十五食貧苦節

撫遺腹子卒能成立今六十四歲守節三十九年

以下公舉事實册

天津府志 卷之三十二 列女 南皮縣 五

王氏 穆汝漢妻二十七夫亡事舅姑存歿無失禮

訓子義方苦節三十餘年學院吳應棻旌之曰節

凜冰霜

劉氏 張宏烈妻二十五歲而寡守節四十五年卒

年七十茹荼飲藥撫育遺孤克有成立

蕭氏 南皮縣民何麒麟妻生明崇禎癸酉壽一百

四歲乾隆元年奉

旨給銀建坊賜額曰貞壽之門

鹽山縣

漢

鮑宣妻桓氏 宣渤海人桓氏字少君宣嘗就少君
父學父竒其清苦故以女妻之裝送資賄甚盛宣
不悅謂妻曰少君生富驕習美飾而吾實貧賤不
敢當禮妻曰大人以先生修德守約故使賤妾執
侍中櫛旣奉承君子惟命是從宣笑曰能如是是
吾志也妻乃悉歸侍御服飾更著短布裳與宣共
挽鹿車歸鄉里拜姑禮畢提甕出汲修行婦道鄉
邦稱之宣哀帝時官至司隸校尉子永中興初爲
魯郡太守永子昱從容問少君曰太夫人寧復識
挽鹿車時否對曰先姑有言存不忘亡安不忘危

天津府志

卷之三十二

列女
鹽山縣

六

吾焉敢忘之

後漢書
本傳

明

邊氏 韓思貴妻貴死氏年二十五誓不再適又思
貴兄思遠卒妻劉氏年二十六俱守節不二孝事

舅姑洪武間旌之

河間
府志

李氏四節

長茂德配張氏次仁義配孫氏次興祖

配張氏次希賢配陳氏昆弟皆早世娣姒俱誓無

二志茂德子勉學六歲孤興祖子志學八歲孤希

賢子敏學在腹而孤仁義無子甘貧紡織同居終

身子相繼成立人謂之一門四節

以下鹽
山縣志

劉氏 崔祥妻祥死氏年十八父母欲嫁之不可奪
遺腹生一子撫養成人守節六十五年成化中旌
表

李氏 王憲妻嬪六月而憲卒時李年十九有遺腹
舅姑欲嫁之不從及彌月生子李撫養之終不二

心 以下河間府志

馮氏 宋甫林妻氏年二十一甫林亡子未週歲誓
不改適躬織紝操井曰事舅姑撫幼子孀居四十
一年卒

霍氏 生員劉繼芳妻知縣淵之女氏年二十繼芳

天津府志

卷之三十二

列女鹽山縣

七

死無子苦守孀節年八十三卒 以下鹽山縣志

李氏 劉架妻年十七架死無子舅姑欲嫁之不從
苦守孀節年七十七以疾終嘉靖中旌表

朱氏 生員高渭妻年二十五渭故無子守義不變
甘貧以養孀姑立姪以繼夫嗣壽幾七十人無間

言

朱氏 生員張永錫妻夫故氏年二十三遺子沂汝
俱幼守志教子始終不移士論賢之 以下河間府志

張氏 高大體妻夫故氏年二十三遺一子尙在襁
褓孀居四十餘年遭子不肖蕩家幾盡而冰操愈

勵

劉氏 王守成妻夫死氏年二十四守節撫孤四十餘年有司旌獎

刑氏 貢生張繼世妻夫故氏年二十九守節不渝課子格力學勤績紡以佐之後補廩生

高氏 韓得禮妻夫故年二十五家貧無子甘心守志撫夫弟成立妯娌同居雍雍無間壽至八十萬

曆間建坊旌表 鹽山縣志

許氏 宋友妻夫故氏年二十六勤慎績紡教子成

立 以下河間府志

天津府志

卷之三十二 列女鹽山縣

八

郝氏 生員李遷桂妻遷桂歿子繼元二歲氏撫育成人娶妻王氏繼元復死遺一子姑婦堅心苦守織紡自給

張氏 生員劉自持妻氏年二十四自持亡遺腹子三益撫養備至織紉佐讀補邑廩生守節四十餘年卒

霍氏 劉喬齡妻夫故氏年二十四生子金鈺未彌月苦心艱守紡績成家不以險夷二志歷四十餘年如一日

王氏 生員張鶴妻年二十六夫故子利蒙在襁褓

氏堅貞自持撫育教訓補邑庠生子卒伶仃無倚
艱辛脩歷孀居五十餘年

侯氏 王忠肅公勦為都憲時張夫人置氏作妾逾
歲方以告公公不納贈以金帛遣之返氏不復嫁
公卒氏斬衰哭臨公男竚感其志留養如庶母禮

氏竟以處女終身既卒耐公塋側

鹽山縣志

劉氏 進士王文棟妻崇禎己卯携一女避寇被獲
脅之不從母女同死

畿輔通志

霍氏 生員邵汝德妻霍堂孫女也崇禎己卯兵變
被掠懼辱自縊死遺子冲方六齡後成名

以下鹽山縣志

天津府志

卷之三十二 列女

九

孫氏 劉滙妻崇禎己卯兵變逼令乘馬氏投地不
屈被殺

趙氏 楊宏妻宏卒五月生遺腹子氏年二十二歲
事姑撫孤三十三年子復亡教育遺孫俾得人泮

卒年七十三

河間府志

李氏 崔居州妾年十八適崔八閱月而居州卒子
女俱無矢志守節以壽終

以下鹽山縣志

霍氏 生員賈從新妻歸從新僅三載夫卒子女俱
無氏矢志守節親族罕見其面四十餘年如一日
有司旌其門

劉氏 賈天恭妻年十七適恭逾年恭死劉誓不再
適壽至七十餘邑令旌其門曰節凜秋霜

張氏三節 一姑兩媳廩生劉恒性妻年二十九而
寡撫兩子曰讓曰慎讓早亡子為砥生甫四月慎
復亡兩媳並甘守節事姑盡孝撫孤為砥入津一
門三節邑令旌之

國朝

王氏 張文棟妻年二十一夫亡守節歷四十年康
熙五十九年 旌表以下畿輔通志

賈氏 韓芹妻夫亡無子矢志養親撫育嗣子守節

天津府志

卷之三十二

列女 鹽山縣

十

四十八年雍正五年 旌表

王氏 楊盡孝妻夫故氏年二十六食貧守節教子
有成雍正十三年 旌表鹽山縣志

王氏 監生張廸吉之母夫故氏年二十四歲立志
守貞紡績自給事翁姑以孝聞苦節七十餘年奉

旨建坊旌表壽九十四歲終公舉事實冊

王氏 馬甫振妻適馬年餘夫亡一姑一媳相依為
命姑憫其幼泣令他適氏誓不從事奉終身以下鹽山

縣志

郝氏 生員翟欽隣妻夫故氏年二十四家貧無子

事姑盡孝人勸改適氏堅志不從繼子履禮家祀
獲入泮學使旌其門曰清風皎月

鄭氏 生員張其光妻光故氏年二十八兩子俱幼
氏艱苦萬狀事姑盡孝持家教子先後入庠河間府志

王氏 李許元妻元早亡氏十七歲生遺腹子既娶
而天媳改適氏撫孤孫方長復罹兵害衣食不給

立志彌堅老而無倚紡績自營不能步履匍匐入
市兒者為之感泣卒年八十五以下鹽山縣志

吳氏 生員劉執中妾執中無子妻早逝既歿止遺
吳一人時年二十二家赤貧有鰥翁年七十七歲

天津府志

卷之三十二

列女鹽山縣

十一

命吳改適吳痛翁無倚涕泗不從翁無齒多病吳
改而哺之親侍起居手除污穢翁八十九歲始歿

吳茹荼飲水六十四歲而終有司旌其門

李氏 生員翟可化繼妻氏年二十四歸可化三年

可化亡夫黨閥不可居遂移子女及前二子稷夔
依母家為活父母欲奪其志李堅不從紡績教子

入泮壽九十終河間府志

王氏 路由平妻歲貢生律之母由平死王年三十

歲律七歲諸舅姑欲奪其志王欲自縊人無復敢

言壽八十九終鹽山縣志

何氏 武永康繼妻氏年三十歲永康亡舅老而鰥前子開基已子肇基皆幼氏撫子如一教養成立事舅曲盡孝道壽七十七歲終媳張氏亦以節稱

河間府志

宗氏 生員楊于庭妻于庭亡宗年二十二長子芳烈五歲次子續烈二歲而姑已稱老宗侍奉比子職家素貧儉積漸豐已卯之變收養難婦王氏等十餘人裹糧送之歸里會大饑宗令僕人田進祿煮粥於市食往來饑人頗多存活壽六十九歲無疾終芳烈縣丞續烈庠生

鹽山縣志

天津府志

卷之三十二

列女鹽山縣

十三

張氏 武肇基繼妻夫亡張二十二歲誓不改適數月生遺腹子成名肇基先有子元輔張愛養無異已出後元輔入文庠成名入武庠

河間府志

馬氏 宋之范妻已卯兵變之范與父同遇害遺二子長二歲次彌月馬年二十四歲燈績手縫奉孀姑惟謹苦節三十餘年撫子成立

以下鹽山縣志

孟氏 生員宋旦妻旦亡遺一子二歲孟年二十二夫族慫恿他適孟堅志勿聽紡績自給三十年終始如一

始如一

李氏 朱燦南妻夫亡氏年二十三紡績食貧矢志

廉他奉舅姑鞠孤子執婦事三十年不變

杜氏 崔夢龍繼妻年十五歸龍龍有異母弟及男皆授室姑媳娣姒比肩而上復有姑氏尊卑如法中外無間言會邑受兵與龍遇害而氏甦時年二十八矢志不嫁奉姑以老龍家故素封以仲氏任俠萬畝立盡氏既無怨且以廣其兒輩曰天也汝叔何尤子晉成諸生能詩

李氏 舉人田師聖妻師聖卒祖母楊母劉俱在幼子旭甫離襁褓李年二十七栢舟自矢仰事俯育姑病頻危李告天請代而姑病輒已人以爲孝感

天津府志

卷之三十二

列女 鹽山縣

三

云河間府志

李氏 生員劉沛然妻已卯兵變沛然闔門罹害獨李及姑僅存李年二十二事姑盡孝供夫木主室中朝夕拜謁三十餘年無一日闕者鹽山縣志

霍氏 生員劉濟之妻已卯兵變濟之死霍年二十七子女俱無屏鉛華茹蔬奉濟之木主每食必獻不獻不敢嘗河間府志

朱氏 舉人于廷陳妻廷陳任猗氏縣崇禎癸未冬殉難自縊氏扶柩歸里携側室趙氏育孤成立康

熙七年有司旌其門

以下鹽山縣志

王氏 張九思繼妻九思亡氏年三十奉髦姑盡孝
視前子斗樞如已生子斗極拱極俱幼悉教之有
成苦節二十餘年族里敬之

張氏 王小四妻四出亡張氏十九生一子不育四
有襁褓弟母死張撫之如子四父涇困於徭役亦
亡張以幼婦持門戶百苦備嘗卒無悔心兄思敬
欲奪張志張詈之與絕後涇歸凡兩繼姑事之盡
孝

孫氏 許養元妻順治六年賊變氏被掠擁至金鐘
寺迫之淫氏罵求死賊呼群強持之罵益厲賊怒

天津府志

卷之三十二

列女
鹽山縣

古

抽刃洞其腹脇氣絕罵止

以下河
間府志

李氏 生員劉芳標妻氏二十七歲稱寡無子側室
王氏生子仁淳方三歲後五年王死李撫仁淳如
已生後入庠卒年六十

陳氏 生員王文桂妻桂亡陳年二十八家貧無子
矢志不移苦守三十五年歿

德氏 張廷箴妻年二十八箴亡子參方三歲母念
氏年少諷令嫁比泣不從故善治家更二十年貲
頗豐張先有田產委人者盡恢復之五十二歲卒

參入庠

鹽山
縣志

趙氏 李守儒妻儒故氏年二十五事姑盡孝三幼子兩列士林壽六十七歲

以下河間府志

劉氏 張孚允妻孚貧授經於外尋死遺一子在襁褓母復老病氏年二十七侍姑哺子備歷艱辛子後廩於庠辛巳大饑人相食氏典衣易脫粟啖姑手採菜蕨雜糠粃同其子食之姑歿泣曰曩之不死者以姑老稚子在爾今姑死子長吾更何求哀毀成疾終

許氏 生員趙吉士妻湖廣武昌府教授光宇之女吉士亡氏年二十八連乳七子俱幼茹荼食淡撫

天津府志

卷之三十二

列女鹽山縣

五

之成立孀居三十年內外稱之

以下鹽山縣志

孫氏 姜炆妻年二十九夫亡遺子叶卜甫六歲家稍稱溫飽而應門乏絕外侮內訌沓至孫卒不改其操以壽終邑令旌之

王氏 翟生金妻生金僦邵宗堯屋同居堯艷氏色伺金出闖入氏室欲私之氏抓堯面力拒得脫泣告金欲鳴之官堯聞謝過遂罷氏愧自縊死

趙氏 生員韓嗣愈妻愈死氏年三十子士謙五歲夫弟嗣彥四歲失怙恃氏延師教讀先後入庠及析箸物產聽嗣擇取不求相稱順治五年賊魏長

物氏大罵賊怒殺之三日復甦壽八十二歲終

于氏 張鳴鳴妻夫亡氏年二十一上有孀姑遺孤景從尚幼氏恐姑失望乃對天自誓奉姑終身家素貧紡績備養三十年甘旨無缺

河間府志

曾氏 生員趙天俊妻夫亡氏誓不嫁撫一歲孤銓事祖姑及姑俱極敬禮氏二十七而寡更四十八

年以壽終

以下鹽山縣志

韓氏 李芳林妻芳林死氏年二十五生遺腹子國昌家貧至不舉火舅姑皆八十氏奉老懷幼艱辛

天津府志

卷之三十二

列女鹽山縣

去

備嘗卒無他志

劉氏 馬棟妻棟亡氏年二十四歲遺子志學年十歲女六歲兄公欲奪其志氏堅持不回志學長任錦衣衛丁戶未幾亦故遺孫呈瑞氏撫孫如撫孤堅辛勞瘁數十年如一日八十八歲終

許氏 趙明標妻明標死於兵氏年二十四子址在襁褓舅姑皆老家故貧氏孝親撫孤矢志不移舅歿氏竭力營葬侍姑寢食十餘年未嘗暫離內外賢之

張氏 劉守正妻年二十二夫亡遺孤五歲值年款

寇亂家赤貧姑謂氏曰幼子有我在汝他適無慮也氏誓不從偶有盜入室張拒之義不受辱被置

烈焰中死良久復甦事姑始終如禮以下河間府志

武氏 韓甲第妻二十九歲而寡赤貧無倚歸母家

自存迄無變志

張氏 李見田妻歸李三載夫亡氏年十八子女俱

無矢死終節其孝事舅姑和睦親族尤為鄉里所

重

韓氏 趙景契妻夫故氏年二十五餘遺腹舉一

子氏性婉順孝事舅姑得其歡心郡守旌之曰冰

天津府志

卷之三十二

列女 鹽山縣

七

操霜節巾幗偉人以下鹽山縣志

賈氏 生員高銓妻銓故氏年二十二無子柏舟自

矢越六年以姪清為子艱苦備嘗三十餘年有如

一日

游氏 孝弟里許允達妻年二十四而達亡子瀛秀

方週歲家貧氏孝姑撫子備歷饑寒邑令旌其門

周氏 孟學易妻夫亡二十五歲紡績教子裨補諸

生

潘氏 王守憲妻氏年二十九夫故子貞志方七歲

伶仃孤寡撐持門戶內外賴之

王氏 韓重華妻華故氏年二十四子萼七歲氏以柏舟自比誓不他適孝事舅姑嚴課幼子凶荒疊遭克保身家卒年六十五

徐氏 生員翟敬上妻十六歲于歸事舅姑以孝聞敬止卒氏年二十六遺幼子二善教訓次第入庠先是敬止鬻家產得銀三百朱斗冲貸爲贖已卯敬止與斗冲遭兵變斗冲以弟姪爲質氏焚券而贖之庚辰歲歎買奴婢數人年豐遣歸不問其值守節四十餘年以壽終

韓氏 生員劉澍妻澍亡氏年二十三子女俱無矢

天津府志

卷之三十二

列女
鹽山縣

六

志不嫁後繼夫弟濬第三子瑜爲嗣孝義克全克光閩德

王氏 生員趙元棟妻二十六而寡苦節三十三年五十八歲卒事舅姑生死無失禮撫子成立元棟弟元模失明氏割已地三十畝贍之俾無乏食

以
公舉事
實冊

李氏 生員趙思永妻十九歸趙夫亡氏年三十孝事舅姑歿則喪葬盡禮訓子義方不墜家聲今八十四歲

劉氏 潘喜望妻喜望早逝氏年二十歲撫子歲遺

孤誓不他適辛苦備嘗苦節四十三年邑令盧旌

其門曰節孝維風

以下鹽山縣志

宗氏 趙爾奇妻歸趙數月爾奇卒氏年十七柏舟自誓教嗣子毆入泮孫履亨成進士苦節七十年壽八十七歲終學使楊旌其門曰畫荻霜清

王氏 生員張孔昭妻昭故氏年二十一歲事孀姑甚孝食貧教子苦節六十餘年壽八十八歲學使吳表其門曰貞松勁節

李氏 生員王國棟之母棟父亡氏年二十一歲舅姑早逝遺子襁褓氏守貞不嫁紡績自給教子成

天津府志

卷之三十二

列女鹽山縣

九

名苦節三十餘年學使劉旌其門曰梅芬月冷

傅氏 武生孫軼英之母夫故氏年二十七歲誓不改嫁事舅姑以孝撫幼子以慈後英入泮氏以壽終學使吳旌其門曰守志延宗

姜氏 生員張倬之母倬父故氏年二十六歲守貞不改適教子倬讀書有成苦節五十餘年卒年八十餘邑令鄭旌其門曰凜冰畫荻

李氏 監生趙愚繼妻夫故氏年二十九撫二孤慈而嚴葬舅姑如禮乾隆二年學院劉表其門曰節並松筠

慶雲縣

宋

胡淑修 李之儀妻尚書右丞胡宿女也讀書善屬

文嘉祐中從其祖母至內廷獻皇后拊之曰是胡

氏有學能文之女乎之儀母死淑修躬自負土封

穴哭泣不輟手植松栢遂成茂林

明一統志

明

張氏 劉泰妻泰歿張年十九誓死守節織紡自給

撫孤子成人知縣宗漢以聞表曰貞節

慶雲縣志

翟氏 生員杜時雍妻正德六年流賊楊虎破城翟

天津府志

卷之三十二

列女慶雲縣

三

抱子罵賊不輟聲賊殺之時年二十二

河間府志

陳宗禮女 女名妙存年十七正德六年流賊破城

女遭擄罵賊不從賊怒以刀刺之遂死知縣蔡繼

藩以聞表曰貞烈

以下慶雲縣志

趙氏 生員田襲妻襲死趙年二十孤四歲孝事舅

姑守節不渝

張氏 生員胡敏學妻敏學死張守貞不二有司旌

之

以下河間府志

鄭氏 谷全妻流賊破城氏被執罵不絕口賊怒碎

屍而死

姜氏 邑民姜偉女適曰邑庠生馬斯臧三月斯臧得疾姜侍湯藥備極艱辛斯臧竟不起姜一慟幾絕至葬扶輻大號以身據棺躍入坎中其姑扶掖以歸自是不復梳沐飲食俱忘值清明墓祭姜請於姑許之令斯臧妹偕往姜至墓給其妹曰燎紙用薪可往採之妹行姜遂縊於墓樹時嘉靖三十二年二月也姜年十六知縣羅汝賢具牲醴帛於墓學使疏其事勅下禮部移文郡縣給銀立坊旌曰貞節

以下慶雲縣志

秦氏 寶九曜妻夫被讎誣捕役執氏欲亂之抵死不從自持刀刺心而死

天津府志

卷之三十二

列女

三

尹世福女 方笄有姿色己卯兵變欲亂不從投磚石拒之罵不絕口兵怒推入室中縱火焚死

劉氏 王顯祿妻年二十遇賊將辱之不從罵賊被殺邑人義之

劉氏 石漁妻夫死氏年二十四撫一子一女備茹辛苦卒年六十餘

畿輔通志

賈氏 生員陳俞妻氏年三十五遭兵變是日值舅亡家人挽之出氏痛哭曰舅屍未殮予何惜一死身服斬衰守之不去兵至迫之罵不絕口鋒刃交

加幾無完膚火焚而死以下慶雲縣志

劉氏 楊某妻年二十二夫死守節紡績以給訓子

朝用補諸生知縣杜爵旌曰貞節

朱氏 趙西妻西死朱年二十三守節不渝撫孤寅

補廩生知縣杜爵旌曰貞節

劉氏 王自復妻年十九遭寇變扶掖上馬屢次觸

地賊怒殺之

唐氏 生員張希曾妻年十九而寡躬自紡績屢經

歉歲携孤流移年六十餘克全貞節畿輔通志

胡氏 李揚妻揚死氏僅二十歲華年守志迄于蓋

天津府志 卷之三十一 列女 三 慶雲縣

棺冰雪為心邑令旌之慶雲縣志

李氏 生員崔元吉妻元吉亡李年二十四飲冰茹

藥矢志靡他五十餘歲卒以下河間府志

蔡氏 吳廷順妾年二十一順亡越月生遺腹一女伯

氏欲嫁之蔡以產業悉給諸伯獨撫孤女紡績自

給年六十八病却醫藥而卒

劉氏 廩生胡時禎妻時禎亡氏年二十一歲矢志

冰霜卒年七十知縣陳某旌其門以下慶雲縣志

劉氏 廩生胡時化妻時化亡矢志守節七十而終

知縣陳某旌之

劉氏 胡時茂妻夫亡氏少舅姑欲嫁之氏以養

自矢繼子為嗣孝慈兼盡卒年七十 河間府志

于氏 生員賈成吾妻夫亡氏年十九子書方五歲

苦志冰操訓之成立知縣陳某旌其門曰冰清玉

潔以下慶雲縣志

秦氏 李伸妻伸亡氏年二十四子女俱無紡績度

日矢志苦節終身不渝知縣陳某旌其門

王氏 陳謨妻謨死氏年二十二歲撫子孝姑守節

終身知縣陳某表其門曰貞節

張氏 胡宇清妻夫亡氏年十八食貧矢志人稱貞

天津府志

卷之三十二

列女慶雲縣

三

節卒年六十四

按張氏至胡宇陶妻五人河間府志載入明朝姑仍其舊

張氏 胡瑤妻夫亡氏年二十孝親撫孤子苦節終

身

張氏 生員郭士秀妻年二十歲秀亡苦節終身

鄭氏 胡士奇妻士奇死氏年二十三子女俱無家

無升斗紡績度日苦節終身年七十歲

李氏 胡宇陶妻夫亡氏年二十二子幼姑老事上

撫下人稱節孝

按慶雲續志明季節婦載有王進祿妻李氏宗元妻某氏皆無事蹟謹存其名

國朝

尹氏 劉緯妻年二十四夫亡守節歷四十年康熙

五十三年 旌表 以下畿輔通志

劉氏 馬爾鶚妻年二十一夫亡守節三十餘年康

熙五十三年 旌表

楊氏 馬騏妻年二十八夫亡孝事孀姑撫週歲子

成立娶媳而天兩世孀居冰操愈厲守節三十三

年雍正十年 旌表 公舉事實冊

王氏 陳南星繼妻南星官鉅鹿訓導戊寅兵變歿

於任氏年二十五携二弱子扶襯歸里毀容勵志

天津府志 卷之三十二 列女 慶雲縣 一

辛苦備嘗課子成名年六十二 河間府志

按慶雲列女縣志不分時代河間府志因概列入明朝畿輔通志仍之不改俱誤也事遠人湮難以強為區別無可稽核者悉載明夫其確有可據者自應載歸

國朝 并附按語如王氏傳稱南星歿於戊寅之變氏方二十五歲今六十二云考戊寅為崇禎十一年加以三十七年始得六十二則康熙十三年猶存何得闌入明朝乎特為釐正後之覽者幸勿以撫拾前人為罪

楊氏 貢生胡正全繼妻正全歿於任氏年二十獨

撫二子鬻年入泮人推苦節年六十二歲 慶雲縣志

按胡正全崇禎間官費縣訓導陞任教諭傳既云歿於其任則崇禎時氏年始二十後云苦節六十

二歲 國朝尚在無疑也

鄧氏 貢生王祚昌妻祚昌亡鄧年二十五繼姪正
祿爲後未幾亦亡與祿妻李氏育二弱孫同屬善

節 幾輔通志

按祚昌崇禎七年拔貢卽以是時歿鄧年方二十
五歲至撫二孫成立則不死於明可知矣通志誤
列明朝今爲改正

工氏 劉化中妻遭巳卯之變姑被傷舅與夫背及

難遺氏一人及襁褓之叔氏乳哺之青年矢志迨

於華髮冰蘖之操始終不渝 以下慶雲縣志

按巳卯爲崇禎十二年時化中始被難而
王氏守節至於華髮亦不得列入明朝

賈氏 魯生智妻年二十一歲智亡遺子週歲孤苦

天津府志 卷之三十二 列女慶雲縣 三

無倚紡績爲業人稱節孝

按慶雲縣志原文紡績爲業下尙有今五十九歲
云云則纂志時未亡不得誤入前朝下韓氏傳同

韓氏 賈延宜妻年十八宜亡子方五月諸親議他

適氏堅志不從冰雪爲心孝慈兼盡

王氏 崔秉重妻夫亡氏年十九子贊明甫在襁褓

氏屏膏沐勤紡績孝以事親慈以教子贊明入泮

知州胡一蛟申請旌表

按胡一蛟河南寧陵人由進士於康熙五年蒞慶
雲任則所旌諸節婦縣志俱云今年若干則皆據
現在也載之
胡雖然可信

生員崔元禎妻禎亡氏年二十歲子永寧僅

匝月事姑教子冰雪為心歷七年而歿知縣胡一蛟表其門口節孝

宗氏 生員劉元輔妻元輔亡氏年二十歲子僅週

歲孝事老姑訓子入庠年六十歲以下畿輔通志

董氏 李順芳妻年十八歲芳亡遺腹一子立志苦

節

杜氏 吳士來妻夫死氏年二十三歲事孀姑撫弱

子屏去華飾躬勤紡績卒年六十餘慶雲縣志

張氏 馬粹秀妻粹秀亡氏年二十五遺孤甫數歲

撫育成立人泮以下畿輔通志

天津府志

卷之三十二 列女 慶雲縣

三

韓氏 馬鍾秀妻年十九夫亡苦節訓子入泮

按崔元禎妻馬氏劉元輔妻宗氏李順芳妻董氏吳士來妻杜氏馬粹秀妻張氏馬鍾秀妻韓氏知縣胡一蛟並表其門

孟氏 監生程鵬遠妻鵬遠卒氏少斷髮明心孝事

舅姑恩撫子女始終無間知縣李居一詳請旌

表河間府志

按李居一陝西岐山人由恩貢生於康熙八年蒞慶雲縣任孟氏與下李蔭溥妻宗氏至陳喜妻宗氏共六人縣志皆謂其詳請旌表而河間府志及畿輔通志俱不載想當日或格而不行未可知也

宗氏 生員李蔭溥妻蔭溥亡氏年二十三遺子尙

幼家貧紡績歷年七十餘以下慶雲縣志

張氏 李得洪妻得洪死氏年二十歲家貧紡績度日訓子輝先入武庠

劉氏 陳賡妻賡死氏年二十一遺子士彬二歲家貧紡績勵節訓子得食廩餼

楊氏 解珽妻珽亡氏年十七舅姑前歿遺孤甫七月毅然自誓撫子成人

宗氏 將軍陳喜妻幼歸陳氏孝敬著聞夫病於任籲天乞代迨歿扶襯歸里荼苦備嘗事孀姑定省

問視終身不懈遭喪泣血茹素哀毀骨立邁伯氏之禍株連二子氏冒險奏辦卒白其冤年逾六旬

天津府志

卷之三十一

列女 慶雲縣

七

邑人賢之 慶雲縣志

李氏 黃光德妻夫亡年二十歲家甚貧撫其子以紡績自給善事舅姑艱苦備嘗終身不懈年八十

二而終 以下慶雲縣志

王氏 李正華妻年二十夫沒於外氏迎柩歸墓後家計蕭條竭力奉事孀姑節操愈堅以族子為嗣

壽七十餘

陳氏 胡熊妻苦節六十餘年

馬氏 胡爾樞妻十六歲于歸未半載樞卒矢志守節撫遺腹子成立孝事舅姑始終無間

陳氏 王謙妻夫故氏年二十一奉夫粟主臥室日夜悲泣苦節不渝積買腴田數十畝與繼嗣

馬氏 鄧文沛妻年二十歲守節無子女可倚苦節四十餘年有司旌之

陳氏 生員胡點妻點十歲工草書能文章稱神童二十歲入學亡後氏栢舟自矢苦節四十餘年

馮氏 武舉陳士鎔妻二十八歲守節

古氏 崔銓妻二十五歲守節有司旌曰松貞蘭茁

趙氏 張得貴妻二十歲守節以孝慈著

張氏 崔贊妻年二十守節撫遺孤在襁褓中孝事

天津府志

卷之三十二 列女 慶雲縣 三

舅姑躬親紡績辛苦脩嘗矢志彌堅

馬氏 吳璽妻年二十一守節養老撫孤脩歷艱辛

合邑重之

楊氏 趙篤生妻二十五歲守志至六十而終人稱

孝慈

鄒氏 鄧鈞妻于歸年餘鈞死氏堅貞自矢事姑以

孝鄉里賢之

陳氏 庠生鄧文溫妻華髮矢志養親撫孤倍歷艱

辛

李氏 武舉人勾文之祖母也順合

產蕩然食貧不厭子鳳集尙在襁褓夫亡年二十
二苦節自矢壽至八十一而終

王氏 李大用妻用早亡遺一子一女時氏年二十
一見舅姑生計蕭然日夜勤紡績以撫子女俾各
成立家政嚴肅人無間言

王烈婦 劉昌賢妻一夕氏獨處劉二者昌賢鄰也
入其室戲之峻拒得脫越日氏憤恨以弓絃自縊

槐樹下 以下公舉
事實冊

劉氏 生員鄧文濬妻十九歸鄧二十九而寡撫孤
成立事舅姑存歿無失禮今六十二歲

天津府志

卷之三十二

列女
慶雲縣

三

韋烈女 女名小喜姐慶雲韋家莊人性嚴毅不苟
訾笑自幼如成人鄉里異之年十三母兄他出嫂
氏拾薪園中女獨處一室同族有惡少艷女色闖
室無人冀欲私之女避於廁惡少迫而從女呼聲
撼遠近惡少懼逸去比嫂及母兄歸女恨泣不止
却食不食嫂慰之曰幸不爲強暴所污庸何傷女
勿應兄慰之亦勿應後其母諭之始勉進一溢米
母去仍哇之晝夜哭不休竟赴井死時乾隆三年
九月初八日有司爲寘惡少於法請旌其門

天津府志卷之三十二

終